



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

CLXXI. Kurfürst Joachim belehnt Georg von Platow mit einem Freihause zu
Perleberg, am 25. Dezember 1520.

Nutzungsbedingungen

[urn:nbn:de:hbz:466:1-56044](https://nbn-resolving.org/urn:nbn:de:hbz:466:1-56044)

CLXX. Schadlosbrief des Kurfürsten Joachim für die Prignitzischen Städte, die sich für 2500 Gulden den Bauherren des Erzstifts Magdeburg verschrieben haben, vom 11. October 1520.

Wir Joachim, Marggraff zu Brandenburg, kurfurst etc., Bekennen etc., Nachdem vnd als vnser liebe getrewen Burgermeister vnd rathman vnser Stette perleberg, pritzwalck, kyritz, hanelberg vnd Lentzen vns vff vnser begerlich ansuchen bey den wirdigen vnfern lieben sundern Ern Boldewin von Zerwest vnd Hern Cristoffel von hefseler, thumhern vnd Baumeistern des hohen Styffts zu sant Mauritz zu Magdeburg, drithalb tausent gulden in guttem reinischen vnd wichtigem gold vmb II^c. gulden reinisch auch an gold oder XXII silber groschen fur I gulden Jerlichs Zins dauon gutwilliglich aufgebracht vnd sich darfur mit vnserm volbort gegen Inen verschrieben, Laut brieff vnd sigel daruber aufgangen, demnach gereden vnd versprechen wir fur vns, vnser erben vnd nachkomen In gegenwertiger crafft vnd macht ditz Brieffs die obgenanten Burgermeister vnd Rathman obgenanter vnser Stette vnd Ir nachkomen gegen den obgedachten hern — vnd Iren nachkomen an hauptgut vnd Jerlichen Zinssen, wie obbestimpt, weil diser widerkauff stett, gentzlich vnd gar fur vnd fur zuentheben, zu benemen vnd In alwege schadlos zu halten getreulich vnd vngeuerlich. Actum am Donnerstage nach Dionisij Anno etc. XX.

Nach dem Churm. Lehnscopialbuche XXXII, 91.

CLXXI. Kurfürst Joachim befehlet Georg von Platow mit einem Freyhause zu Perleberg, am 25. Dezember 1520.

Wir Joachim etc., Churfurst etc., Bekennen vnd thun kunt öffentlich mit diesem Briue fur vns, vnser Erben vnd sunst allermeniglich, die Inn sehen, horen oder lesen, das wir vnsern lieben getrewen Jorgen von platow vmb seiner getrewen vnd willigen dinst willen, die er vns etwa lang zeit her fleissiglich gethan hat vnd vorhin woll thun kan vnd mag, ein haws zu perleberg, das nechste bey dem heiligen geist gelegen, die zeit seins lebens vor aller steuer vnd vnpflicht frey gegeben, In massen In auch der Rath daselbst zu perleberg laut Irer briefe vnd sigell daruber aufgangen befreyt haben, vnd geben Im die zeit seines Lebens solich oberurrt haws stewer vnd aller vnpflicht frey In crafft vnd macht dits briues, vnd wollen, das gedachter Jorgen von Platow zw seinem leben solcher befreuyng genissen vnd gebrauchen möge getrewlich vnd vngeuerlich. Zu urkunt Datum In den heiligen Weyhenachtfeuertagen, Anno etc. XXI.

Commissio propria Illustrissimi domini Joachimi principis Electoris.

Nach dem Churm. Lehnscopialbuche XXXIII, 219.